



ՄԱՅՐ ԱԹՈՌՈՒՄ

**Փետրվարի 24-ին, կիրակի.—Բուն Բա-
րեկենդան.**

Այսօր Մայր Աթոռի դիվանապետ տ. Ար-
սեն եպս. Բերբերյանը, որը հյուրաբար
գտնվում էր Լենինականում, տեղի հայոց ս.
Աստվածածին առաջնորդանիստ եկեղե-
ցում, ս. պատարագի ընթացքում Թիրակի
թեմի ողջ հոգևորականությանն ու հավա-
տացյալ ժողովրդին հաղորդելով Հայոց Հայ-
րապետի ողջույններն ու օրհնությունները,
քարոզում է «Այս է պատուեր իմ, զի սիրեա-
ջիք զմիմեանս, որպէս և ես սիրեցի զձեզ»
(Հովհ. ԺԵ 12) բնաբանով:

.*.*

Մարտի 1-ին, ուրբաթ.—Այսօր, երեկո-
յան ժամը 18-ին, Վեհափառ Հայրապետի
նախագահությամբ, գումարվում է Գերա-
գույն հոգևոր խորհրդի հերթական նիստը:

.*.*

**Մարտի 8-ին, կիրակի.—Բ կիրակի քա-
ռասնորդական պահոց (Արտաքսման).**

Այսօր Մայր տաճարում, փակ խորանի
առաջ, ս. պատարագ է մատուցում տ. Հով-
հաննես ավագ քին. Մարությանը: «Հայր
մեր»-ից առաջ օրվա խորհրդի մասին հո-
գեջունք քարոզ է խոսում տ. Արսեն եպս.
Բերբերյանը:

Ս. պատարագին ներկա է լինում Վեհա-
փառ Հայրապետը:

.*.*
Մարտի 8-ին, չորեքշաբթի.—Այսօր, ե-
րեկոյան ժամը 20.30-ին, Վեհափառ Հայ-
րապետի ներկայությամբ, տեղի է ունենում
միաբանական հերթական հանդիպում, որի
ընթացքում մասնակցականության վերաբեր-
յալ զեկուցում է տ. Բագրատ արղ. Գա-
լստյանը:

.*.*

Մարտի 9-ին, շաբաթ.—Այսօր, ժամը
15-ին, Վեհաբանի սեղանատանը ճաշկե-
րույթ է տրվում «Էջմիածին» ամսագրի
նախկին խմբագիր, Գերագույն հոգևոր
խորհրդի գիտ. քարտուղար և հոգևոր նե-
մարանի դասախոս դոկտ.-պրոֆ. Աշոտ
Գարեգինի Աբրահամյանի ծննդյան 70 և
գիտա-մանկավարժական գործունեության
40-ամյակի առիթով:

Ճաշկերույթին ներկա են լինում տ. Կո-
միտաս, տ. Պարզև, տ. Վահան, տ. Արսեն
սրբազանները, Գերագույն հոգևոր խորհրդի
անդամները և մայրավանքի պատասխա-
նատու անձինք:

Վեհափառ Հայրապետը շնորհավորում է
հարգելի հոբելյարին, նշում նրա կատարած
օգտակար աշխատանքը Մայր Աթոռում
1944—1955 թվականներին:

Ներկաներից ոմանք ջերմորեն ողջունում
են հոբելյարին, որը վերջում որդիական ե-
րախտագիտության և շնորհակալության
խոսք է ուղղում Վեհափառ Հայրապետին՝
Նրա բարձր ուշադրության համար:

Մարտի 10-ին, կիրակի.—Գ կիրակի քառասորդական պահոց (Անառակին).

Այսօր Մայր տաճարում, փակ խորանի առաջ, ս. պատարագ է մատուցում տ. Նարեկ քին. Թնգրյանը: «Հայր մեր»-ից առաջ քարոզում է տ. Բագրատ արդ. Գալստյանը՝ «Հայր մեղայ լերկինս և առաջի քոյ» (Ղուկ. ԺԵ 18) բնաբանով:

Ս. պատարագին ներկա է լինում Վեհափառ Հայրապետը:

Մարտի 13-ին, չորեքշաբթի.—Այսօր, երեկոյան ժամը 20.30-ին, Վեհափառ Հայրապետի ներկայությամբ, տեղի է ունենում միաբանական հերթական հանդիպում, որի ընթացքում ավանդության կարևորության վերաբերյալ զեկուցում է տ. Արսեն եպ. Բերբերյանը:

Մարտի 15-ին, ուրբաթ.—Այսօր, ժամը 15-ին, հոգևոր ճեմարանի հանդիսությունների սրահում սրտաբանության վերաբերյալ բանախոսում է բժշկական գիտությունների դոկտ.—պրոֆ. Զավեն Դուրբջյանը:

Բանախոսությանը ներկա են լինում Մայր Աթոռի միաբանությունը, պաշտոնեությունը, հոգևոր ճեմարանի դասախոսներն ու ուսանողները:

Հարգարժան պրոֆեսորը ներկաներին ծանոթացնում է սրտին, նրա գործունեությանը և սրտային մի շարք հիվանդություններին:

Հարգելի պրոֆեսորը վերջում հանգամանորեն կանգ է առնում վերջերս Երևանում գումարված սրտաբանության համաշխարհային համաժողովի գիտական-պատմական նշանակության վրա:

Վերջում բանախոսը սիրով պատասխանում է ներկաների հարցերին:

Այնուհետև Վեհափառ Հայրապետը բարեհաճում է ընդունել դոկտ.—պրոֆ. Զավեն Դուրբջյանին և ջերմորեն գրույց ունենում նրա հետ:

Մարտի 17-ին, կիրակի.—Դ կիրակի քառասորդական պահոց (Տնտեսի).

Այսօր Մայր տաճարում, փակ խորանի առաջ, ս. պատարագ է մատուցում տ. Մասիս արդ. Գալստյանը: «Հայր մեր»-ից ա-

ռաջ քարոզում է տ. Եզնիկ արդ. Պետրոսյանը՝ «Եւ գովեաց տէրն զտնտեսն անիրարության, զի իմաստութեամբ արար» (Ղուկ. ԺԶ 8) բնաբանով:

Ս. պատարագին ներկա է լինում Վեհափառ Հայրապետը:

Մարտի 20-ին, չորեքշաբթի.—Այսօր ուխտավորաբար Մայր Աթոռ ժամանեց Դամասկոսի հայոց թեմի առաջնորդ տ. Ոսկան Ծ. վրդ. Գալբակյանը:

Մարտի 24-ին, կիրակի.—Ե կիրակի քառասորդական պահոց (Դատաորին).

Այսօր Մայր տաճարում ս. պատարագ է մատուցում տ. Նշան քին. Բեյլերյանը:

Ս. պատարագի ավարտին տեղի է ունենում հոգեհանգիստ՝ անվանի գրականագետ, գրող Խաչիկ Դաշտենցի մահվան առթիվ:

Այս կապակցությամբ հուզիչ քարոզ է խոսում Ամենայն Հայոց Վեհափառ Հայրապետը՝ վեր հանելով հանգուցյալի գրական, գրականագիտական ու հայրենասիրական արժանիքները:

Մարտի 26-ին, երեքշաբթի.—Այսօր Մայր Աթոռ այցելեցին Հայաստանում գրտնրվող ֆրանսիացի մի խումբ ճարտարապետներ և հնագետներ՝ գլխավորությամբ ֆրանսահայ անվանի ճարտարապետ Էդվարդ Ութուջյանի:

Հարգարժան հյուրերին բարեհաճեց ընդունել Ամենայն Հայոց Վեհափառ Հայրապետը: Հայոց Հայրապետի և ֆրանսիացի հյուրերի միջև տեղի ունեցավ հետաքրքիր գրույց՝ ջերմ մթնոլորտում:

Մարտի 28-ին, հինգշաբթի.—Այսօր Մայր Աթոռ այցելեց Հունգարիայի կրոնական գործերի նախարար պրն. Իմրե Միկլոշը՝ ընկերակցությամբ ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ պրն. Պ. Մակարցևի և ՀՍՀՄ Մինիստրների սովետին առընթեր հայ եկեղեցու գործերի խորհրդի նախագահ պրն. Ս. Գասպարյանի:

Մեծահարգ հյուրերին Վեհափառում բարեհաճեց ընդունել Հայոց Հայրապետը և գրույց ունեցավ նրանց հետ՝ ջերմ մթնոլորտում: